



Brought to you by Government Communications (GCIS)

Xitsonga/English

May 2016 Edition 2



**Improving
access to
higher
education**

Page 5



**Working
towards safer
communities**

Page 7

**JOBS
INSIDE**

Building a better life for all

Cecilia de Vos Belgraver and Amukelani Chauke

President Jacob Zuma says government is working hard to protect South Africans against the effects of the negative global economic downturn on the local economy.

He emphasised that despite the economic challenges, government remains pro-poor and intent on making life better for all, especially for the poor and the working class.

"We have taken concrete measures to reduce the negative impact of the economic downturn of our economy and to prepare for robust growth when the economic cycle turns positive.

"We are also working hard to remove domestic impediments to growth."

The President said this during The Presidency Budget Vote in Parliament recently.

GROWING THE ECONOMY

Part of government's efforts to reignite growth and build a better life for all includes implementing the Nine-Point Plan which aims to boost economic growth and create jobs.

"Energy is high up on the agenda. During last year's Presidency Budget Vote debate our country was facing an acute energy challenge. We have made remarkable progress since then," said President Zuma.

He added that the Ingula power plant will soon add 330 megawatts of electricity to the national grid and in five years' time South Africa will have surplus electricity. A renewable energy project for South Africa worth US\$180 million was recently approved by the BRICS Development Bank, which will have its African Regional Centre in Johannesburg.

"Most importantly, there has been no load shedding for close to a year now. It is clear that the decisions and steps we took are beginning to bear fruit."

DEVELOPING INFRASTRUCTURE, CREATING JOBS

Government is also using infrastructure as a key instrument to create jobs and to build a better life for all.

"Through the Presidential Infrastructure Coordinating Commission, we have made tremendous strides in fast tracking infrastructure across the country.

"In the past year, we can count the building of 160 new schools, 29 new clinics, the connection of 245 000 houses to electricity and building close to 150 000 new houses. The construction of three universities, 12 technical colleges as



President Jacob Zuma says government is committed to making life better for all.

well as courts is on-going," said President Zuma.

He added that the construction of economic infrastructure is also continuing through the delivery of rail, road, dams, bus rapid transit systems, refurbishing ports, building boats and also the three new power stations.

"South Africa is a nation at work, with government leading the way, in building a better life for all."

PROGRESS ON OPERATION PHAKISA

Government launched Operation Phakisa in the Oceans Economy in Durban in 2014, followed by Phakisa projects on the Ideal Clinic and basic education, focusing on information and communication technologies. Phakisa Mining will be launched soon.

Through Operation Phakisa government aims to implement its policies and programmes better, faster and more effectively.

To date much progress has been made.

"In less than two years we have invest-

ed billions of rands in infrastructure development."

These investments include: Transnet's National Ports Authority's R7 billion allocation for port infrastructure, R3.6 billion investments in boat-building and a fuel storage facility in Cape Town, the R80 million allocation for rehabilitating and maintaining proclaimed fishing harbours, and the establishment of three new harbours that will provide opportunities for local and rural economic development.

Phakisa Education has delivered electronic administration infrastructure to over 22 000 schools and over 1 500 schools now have internet connectivity, to the benefit of over a million learners across South Africa.

WOMEN EMPOWERMENT

The President added that billions of rands have been set aside to support women-owned businesses.

He said the Status of Women in the South African Economy Report, which was produced by the Ministry in The Presidency

responsible for Women, exposed gaps and showed that more must be done to empower women in the economy.

"In September 2015, I issued a directive to economic cluster departments to place the empowerment of women centrally in their plans and in particular, in the Nine-Point Plan to further grow the economy.

"Progress is being made. The departments of Human Settlements, Public Works and Small Business Development are utilising the approach of set-asides to enhance women's empowerment," he noted.

President Zuma said women contractors were allocated over R3 billion of the Human Settlements Development Grant for the 2014/2015 financial year alone.

"This allocation was shared by over 112 female-owned enterprises."

As the country prepares to commemorate the 60th anniversary of the women's march to the Union Buildings, the President pointed out that a lot has been done to empower women.

Ku antswisa mfikelelo eka dyondzo ya le henhla



Mfumo wu nyikile mabiliyonu ya tirhandi eka Xikimi xa Mpfuneto wa swa Timali xa Swichudeni swa Tiko ku pfuna swichudeni swo tlula 400 000 ku hetisa tidyondzo ta swona.

Amukelani Chauke

Mfumo wu tinyiketerile ku nyika dyondzo yo hambanahambana yo hundza ya le xikolweni xa le henhla ya ntokelo, yo fikeleka, no hakeleka naswona leyi nga ta tiyisisa leswaku vaaki va Afrika-Dzonga lava nga na nkoto wa swa dyondzo no pfumala hi tlhelo ra timali va nga saleli endzhaku.

Leswi i ku ya hi Holobye wa Dyondzo ya le Henhla na Vuleteri Blade Nzimande, loyi a nga nyika Vhoti ya Mpimanyeto ya ndzawulo ePalamende.

Holobye u tsundzukile leswaku mfumo wu nyikile mabiliyonu ya tirhandi eka Xikimi xa Mpfuneto wa swa Timali xa Swichudeni swa Tiko (NSFAS) ku pfuna swichudeni swo tlula 400 000 ku hetisa tidyondzo ta swona.

"R4.57 biliyonu yi nyikiwile eka NSFAS hi 2016/17, leyi nga endliwa hi R2.54 biliyonu ku tiyisisa leswaku 71 753 wa swichudeni leswi a swi nga nyikiwangi mali, kumbe leswi a swi nga kumi mali yo ringanelo, hi 2013 ku fika hi 2015 swi kota ku hakela swikweleti swa swona, na R2.03 biliyonu ku tiyisisa leswaku swichudeni leswi na swichudeni leswi sveleke leswi ta ka eyunivhesiti ro sungula swi kota ku dyondza," u virule.

Endzhaku ka loko Phuresidente Jacob Zuma

a tivisile ku engeteriwa ka mali hi ziro phesente eka swikolo swa dyondzo ya le henhla hi ku landzela ku kombisa ku vilela ka swichudeni tiko hinkwaro hi mhaka ya tihakelo ta dyondzo, tiyunivhesiti ti sale ti va na ku xota hi R2.3 biliyonu.

"Hi nyikile R1.9 biliyonu ya R2.3 biliyonu ya ley i ayi xota ku suka eka mpfumelelano. Hi kongomisile nakambe ku tlula R5.7 biliyonu eka [malemba ya nharhu lawa ya ta kaj] eka tiyunivhesiti ku tiyisisa leswaku ku gwitsiriswa ka timali ta tihakelo hi 2016 swi nga fikelerisa eka ku engeteriwa ka timali ta tihakelo hi ndlela yo ka yi nga lawuleki eka nkarhi lowu ta ka," ku hlamsuserile Holobye.

Ku nyikiwa ka NSFAS swi ta fikelerisa kwalomuya ka ku engeteriwa hi 47.3% eka masungulo ya timali ta NSFAS hi 2016.

Holobye u virile leswaku leswi, hi ku tirhisana na timali tin'wana ta NSFAS, swi ta veka 205 000 wa swichudeni eyunivhesiti lembe leswi, naswona van'wana va 200 000 va ta kota ku ya etikholeji ta Dyondzo ya Vutshamo bya Mitirho ya Mavoko na Vuleteri (TVET).

"Sweswo i ntsengo wa 405 000 wa swichudeni wu kumaka nseketelo wa mfumo, ku humeleta lokukulu hi swiyimo swa un'wana ni un'wana.

"Hi tlhela hi va na kungu eka "va le xikarhi lava nga lahleka"— swichudeni leswi miholo ya mindyangu ya swona yi welaka ehenhla

ka ndzilekano wa NSFAS, leswi nga koteki ku hakela tiyunivhesiti. Hi kongomane no ringeta modele wa hina lowuntshwa hi 2017 no wu tirhisa hi ku hetiseka hi 2018," u virile.

Khomixini ya Phuresidente yi le ku lavisensi ka nkoteko wa dyondzo yo ka yi nga hakelewi eka swichudeni swa le tiyunivhesiti na le tiTVET, ku engeteriwa Holobye.

VUTSHAMO BYA SWICHUDENI

Holobye Nzimande u engeteriwa leswaku u ta simeka Phurogireme ya Switirhisiwa swa Vutshamo bya Swichudeni lembe leswi ku ololoxa swiphiqo swa vutshamo bya swichudeni.

U virile leswaku ndzawulo yi ta andlala phurogireme ya yona ya nkarhi wo leha hi ku tirhisa timodele ta timali na tithekinolo tintshwa to aka ku nyika vutshamo byo hlayiseka no ka byi nga durhi loko yi sungula Simphoziyamu ya Vutshamo bya Swichudeni hi Khotavuxika.

"Hi nkarhi lowu, hi le ku tirhisani na Holobye wa Mitirho ya Mfumo, Thulas Nxesi, ku boxa miako ya mfumo ley i nga tirhisiwki ngopfu kumbe ley i nga tirhisiwki ley i nga faneriwaka hi ku cincawa yi va vutshamo bya swichudeni lebyi nga durheki no amukeleka bya tiyunivhesiti na tikholeji ta TVET [dyondzo ya vutshamo bya mitirho ya

mavoko na vuleteri] ha swimbirhi."

KU HLOHLOTELA MAHANYELO LAWA YA HANEKE KAHLE

Xandla xa Holobye Mdudzu Manana u virile leswaku ku hlohlotela mahanyelo lawa ya hanyeke kahle exikarhi ka swichudeni, Ndzawulo ya Dyondzo ya le Henhla na Vuleteri yi na pfhumba leri vuriwaka First Things First, leri lawuriwaka hi AIDS Dyondzo ya le Henhla (HEAIDS), leyinikaka vukorhokeri byo angarhela bya rihanyo na xiymo xo hanya kahle.

Leswi swi sukela eka ku kamberiwa HIV no kamberiwa TB, timfanalo ta swirho swa mbeleko, swisivelambeleko, rihanyo ra vutswedyani, mfukuzani ya mavele na ya nomo wa xivelekelo na vuvabyi byo vangiwa hi mahanyelo, exikarhi ka yan'wana.

U virile leswaku nhlayo ya swichudeni leswi nga ta ku ta kamberiwa yi engetelekile eka lembe leswi nga hundza.

"Phurogireme yi angarherile 174 000 wa swichudeni na vatirhi hi 2015 yi ri yoxe, naswona swichudeni leswi nga kamberiwa ku kumeka leswaku swi na HIV swi tele hi 79% ku tlula leswi nga kamberiwa lembe leswi nga hundza," ku tsundzukile Xandla xa Holobye.

U engeterile leswaku kwalomuya ka 25 miliyoni wa tikhondhomo ta vavanuna leti nga na fendlele ti hangalasiwile eka sisiteme ya dyondzo yo hundza ya xikolo xa le henhla na vuleteri.

Xandla xa Holobye Manana u virile leswaku phurogireme yi tekeriwile enhlokweni sweswinyana tanhi yin'wana ya nkoka laha tikweninkulu, na leswaku ndzawulo yi kunguhata ku yi ndlandlamuxa ku ya emahlwene eka lembe ximali leswi.

Vukorhokeri bya nchavelelo bya HEAIDS lebyi ya ka emahlwene byi pfunile swichudeni ku kota ku hanya na HIV swiyimo swa swona swo va na HIV, u engeterile.

Xandla xa Holobye u virile leswaku xichudeni xi tshikile ku dyondza eyunivhesiti endzhaku ka loko xi hlaluviwile ku va xi ri na HIV eka pfhumba ra First Things First naswona a xi nga koti ku tolvela xiymo xo va na HIV.

Kambe hi nchavelelo na vukorhokeri bya nseketelo swa HEAIDS, xi kotile ku ya emahlwene na tidyondzo ta xona naswona xi sale na lembe rin'we leswaku xi heta.

"Tun'we wa vayimeri va Swilo swo Sungula ku Sungula, loyi a hlohlotelaka swichudeni ku tiva swiyimo swa swona no swi nyika nchavelelo na nseketelo," u engeterile.

Makaya ya le matikoxikaya ya kuma ku pfuneke

Amukelani Chauke

Ndzawulo ya Nhluvukiso wa Matikoxikaya na Mpfxeto wa Misava yi ta tiyisisa ku sunguriwa ka pfhumba leswi nga ta pfuna ku hunguta vusweti no vuyerisa ku tlula 10 000 wa makaya ya le matikoxikaya eka lembe leswi ta ka.

Eku nyikeni ka Vhoti ya Mpimanyeto ya Ndzawulo ePalamende sweswinyana, Holobye wa Nhluvukiso wa Matikoxikaya na Mpfxeto wa Misava u virile leswaku xikongomelo xa phurogireme ya One Household, One Hectare i ku hunguta vusweti no tumbuluxa ntlawa wa van'wamapuraso lavantsongo va vantima, vahumeleri va swirimiwa na vamaki va swa timbewu.

Tanihi xiphemu xa pfhumba, ku averiwa ka hekitara yin'we (kumbe xirhapa xa vaaki) ku nyikiwa kaya rin'wana ni rin'wana leswi nga swela. Makaya ya seketeriwa leswaka ya byala swirimiwa swa vona no lulamisiwa tanihi tikhooparethivhinkulu leti nga ta hlanganisiwa eka pfhumba ra tiphaka ta Vurimi.

Phurogireme yi kongomisile ngofungopfu

eka misava ley i n'winyi wa yona ku nga mfumo kumbe leswi nga hlamsuseriwa kahle tanhi ntlawa wa ndhavuko, ku virile Holobye.

"Pfhumba ra One Household, One Hectare ri ta sunguriwa no longoloxiwa na phurogireme ya nhluvukiso wa tiphaka ta Vurimi, hikwalaho, ri ta nyika makaya lava ya nga nghenelela ndhawu yo tiya yo maketa swirimiwa swa vona," u hlamsuserile.

Holobye u virile eku sunguleni leswaku, xin'we xa swifundha swa tiphaka ta Vurimi xi ta va na tlhanu wa tindhawu laha pfhumba ra One Household, One Hectare ri nga ta tirhisiwa kona. Leswi swi ta fikelerisa eka 220 wa tindhawu eka lembe ximali ra 2016/17.

"Nhlayo xikarhi ya 50 wa makaya yi ta nghenelela eka ndhawu ha yin'we. Leswi swi ta khumba mitirho yo tlula 10 500 ya makaya ya le matikoxikaya. Ndzawulo yi vekile etlhelo R100 miliyoni eka lembe ro sungula ro tirhisiwa hi Nhluvukiso wa Mpimanyeto no Vumba hi Vuntshwa Xivumbeko xa swa Timali," u virule.

PHUROGIREME YA TIPHAKA TA VURIMI

Ndzawulo yi ya emahlwene na xiphemu lexi landzelaka xa ku tirhisiwa ka tiphaka ta

Vurimi eka timesipala ta swifundha ta 44 ku humelerisa swakudy, ku tumbuluxa no akiwa ka switirhisiwa swintshwa, ku engeterile Holobye Nkwinti.

U virile leswaku R2 biliyonu yi vekiwile etlhelo eka xikongomelo lexi eka lembe ximali lerintshwa.

"Hi ku engetelela xihatla xa mpfxeto wa misava hi le ku nyikeni ka van'wamapuraso lavantsongo no nyika nsirhelelo eka vaaki lava tsaneke, ku katsa vatirhi va le mapurasini lava nga thwasangiki na vanhu lava tirhaka emapurasi.

"Hi ndlela ley i, ntsengo wa R89 miliyoni wu nyiketiwile ku nyika nseketelo wa swa nawu na nghenelelo vavuyeriwa va mpfxeto wa misava ku ndlandlamuxa vuhalayiseki bya vutshamo. Ntsengo wa R791 miliyoni wu vekiwile etlhelo lembe ximali leswi ku xava misava hi ku fambisana na xikongomelo lexi.

RIMBA RA PHOLISI YA 50/50

Holobye Nkwinti u khensile van'wamapuraso lava nga nghenela hi ku tsakela eka phurogireme ya ndzawulo, ley i nga vona van'wamapuraso na vatirhi va le mapurasini va avelana vun'winyi bya mapuraso lava ya

xavisaka swikumiwa hi ka 50-50 exikarhi ka vona.

"Phuresidente u virile eka Mbulavulo hi Xiyimo xa Rixaka leswaku u languterile leswaku hi nkarhi wa ku hela ka kotara ley i, hi 2019, hi va hi hi ringetile 50 wa mapuraso... Hi khensa vanhu lava nga ta emahlwene no vula leswaku hi lava ku va xiphemu xa leswi," u engeterile.

Holobye u virile leswaku tanhi xiphemu xo Tiysa Timfanalo ta Vanhu leti nga Faneli lava Tirhanaka na Misava (Rimba ra Pholisi ya 50/50), 10 wa mixaviso se yi hetisisiwe, ley i nga na kwalomuya ka vavuyeriwa va 540, ku angarhela 7 642 wa tihekita.

Ku tlula 50 wa leswi nga yisiwa ku suka eka van'wamapuraso na mihangano swi kumiwile ku fikela sweswi.

Phurogireme yi ta hatlisisiwa naswona R500 miliyoni yi vekiwile etlhelo ku tirha ntirho lowu eka lembe ximali lerintshwa.

Holobye Nkwinti u engeterile leswaku endzhaku ka ku pfuriwa nakambe ka nkarhi wo yisa swikoxo swa misava, 143 720 wa swikoxo se a swi yisiwile hi ti 31 Nyenyankulu 2016, na 27 696 wa swikoxo leswi nga yisiwa etihofisini to yisa swikoxo ta mimovha.

Ku tirthela miganga leyi hlayisekeke

Amukelani Chauke

Switichi swa maphorisa swa mimovha lesintshwa na tiyuniti to hlawuleka swi ta tumbuluxiwa eka lembe leri ta ka, ku pfuna ku engetela mbonako wa maphorisa no hunguta vugevenga emigangeni.

Leri i rin'we ra matshalatshala leri Vukorhokeri bya Maphorisa ya Afrika-Dzonga (SAPS) byi nga ta lwa na vugevenga leri nga boxiwa sweswinyana eka Vhoti ya Mpimanyeto wa Vutirheli bya Maphorisa.

Holobye Nkosinathi Nhleko u vurile leswaku SAPS yi vekile mpimanyeto wa R80.8 biliyonu eka lembe ximali ra 2016/2017.

Nkongomiso xa maxavele eka kotara ya le xikarhi wu ta katsa:

- Ku burisana na mihangano ya sweswi leyi nga cinciki.
- Ku endla vukorhokeri bya maphorisa byi va bya xiphurofexinali hi nhluvukiso wa vuswikoti.
- Ku tiyisisa ku ya emahlweni ka sisiteme ya vululami eka vugevenga hi ku hoxa xandla eka sekithara ya vululami eka vugevenga na phuropireme ya ximudeni.
- Ku tiyisisa tshaku ra switirhisiwa swa Yuniti ya Xileriso xa Mfumo. Ntsengo wa R1.957 biliyonu wu vekerewe xikongomelo lexi.

"Lembe ximali leri, hi engeterile switirhisiwa swa Vufambisi bya Nkongomiso wa Ndzaviso wa Vugevenga (Hawks) hi mali ya R1.431 biliyonu, leyi nga ta tirthela tiyuniti to hlawuleka tintshwa. Xiboho xi tekiwile ku tumbuluxa nakambe Byuro ya Swipyopyi na tiyuniti to Herisa ta Ndzaviso wa Swibalesa hikwalaho ka xilaveko na xirilo xa vaakatiko va hina," ku engeterile Holobye.

MIGANGA LEYI HLAYISEKEKE

Xandla xa Holobye wa Maphorisa Sotyu u vurile leswaku ku tumbuluxiwa ka switichi swa maphorisa swa mimovha etikweni hinkwaro swi ta pfuna ku ndlandlamuxa miganga leyi hlayisekeke, loko hi le tlhelo yi vuyisela ku tishembha ka vanhu ehenhla ka maphorisa.

"Ku simekiwa na ku tumbuluxiwa loko nga landzela ka switichi swa maphorisa swi ta sungula hi matimba hi Mudyaxihi 2016, ku



Vukorhokeri bya Maphorisa ya Afrika-Dzonga byi ta tirthela ku engetela mbonako wa maphorisa ku tiyisisa miganga leyi hlayisekeke.

sunguriwa hi Khayelitsha Site C, ku ya eLavender Hill, tikoxikaya ra Crossroads ePeddie, Botshabelo eFree State, na tin'wana tindzhawu leti ku endlekaka vugevenga ngopfu, eka swifundzhankulu swa kaye," u engeterile.

Mali yo hakelela switichi leswi swa maphorisa yi ta huma eka mpimanyeto wa rixaka wa SAPS.

Xandla xa Holobye u tsundzukile leswaku mafambisele yo aka xitichi xa maphorisa swi ta khumbha tindzawulo to tala, leswi vulaka leswaku va ta teka nkari wo leha ku xi heta.

Misava yo tala ya tindhawu ta matikoxikaya ya Afrika-Dzonga yi tlhela yi pfumelela mfumo ku tumbuluxa switichi swa maphorisa swa mimovha, u engeterile.

Xandla xa Holobye u tlhele a tiyisisa nkoka wa maphorisa emigangeni ya matikoxikaya.

"Hi fanele ku tiyisisa leswaku miganga ya le matikoxikaya yi nga twi onge yi kuma vukorhokeri bya maphorisa bya le ndzhaku loko ku fananisiwa na tindhawu ta le madorobeni.

"Hi fanele ku ya emahlweni hi nturhulela mintlawa ya swigevenga leswi nga tiyimisela ku yiva mitlhambi ya nkoka emigangeni ya le matikoxikaya."

Xandla xa Holobye u vurile leswaku vugevenga emigangeni ya le matikoxikaya a hi mhaka ya vukhamba bya mitlhambi ntsena,

kambe ku tlhela ku va madzolonga lawa ya fambisanaka na rimbewu, mitlawa ya vukhamba, madzolonga na nxaniso wa swidzidziharis eswikolweni swa le matikoxikaya.

Muxaka wa tlhontlo wa xiphorisa eka tindhawu ta matikoxikaya, mpfhuka exikarhi ka matikoxikaya na muxaka wa mahambanele ya miganga yo hlaya swi nga fikelerisa eka ku tsana ko karhi na nchavo wa le henhla wa vugevenga, u tsundzukile.

"Phurojeke ya switichi swa maphorisa swa mimovha yi ta tiyisisa Phuropireme ya Mphakelo wa Vukorhokeri bya Ntla wa le Mahlweni ya Ndzhawulo. Leyi i phuropireme leyi nga nyiketeriwa leyi angarhelaka xirho xa xiphurofexinali xa maphorisa lexi vanhu va Afrika-Dzonga va xi lavaka ku va tirthela; tindhawu ta mphakelo wa vukorhokeri bya maphorisa byo kumeka no fikeleka hi vaaki; vukorhokeri bya xiphurofexinali na vutihlamuleri lebyi maphorisa ya faneleku byi nyika; na ku tumbuluxiwa ka vuxaka byo tirha kahle bya swirho no nghenelela eka mphakelo vukorhokeri bya maphorisa," u vurile.

KU SIRHELELA MITLAWA LEYI TSANEKE

Xandla xa Holobye u engeterile leswaku sweswi SAPS yi na tinetiweke timbirhi, leti

tirhiswaka ku wina timfanelo ta mitlawa leyi tsaneke swinene eka vaakatiko, ngopfungopfu eka tindhawu ta le matikoxikaya.

U vurile leswaku Netiweke ya Vavasati ya SAPS yi nghenelerisile eka tiphuropireme ta xivono eka tindhawu ta le matikoxikaya leti kombeke ntirho wo ka wu nga tolovelkangi ehenhla ka xiphorisa no tisa xiphorisa xa vaaki xo hlawuleka xa matimba.

"Netiweke leyi yi seketerile vakhumbheki va vadyuhari eka ku pfinyiwa ka tihanyi, ku tiyisisa leswaku vavangi va vugevenga lebyi bya tihanyi va khomiwa no gweviwa.

"Ku engetelela, Netiweke ya Vavasati ya SAPS na Vavanuna eka ku Cinca va ta sungula phuropireme yo fikelela miganga leyi nga ta va yi ololoxa xiphijo xa ku rhwala (ukuthwala) vana lavantsongo, eka tindhawu ta hina ta matikoxikaya, ngopfungopfu eKapa Vuxa."

Xandla xa Holobye u tshikelerile leswaku hambiloko mfumo wu xixima ndhavuko mitoloveloo yin'wana a yi amukeleki.

"Hi xixima ndhavuko lowu akaka rixaka, kambe hi nyenya leswi vuriwaka ndhavuko lowu tshikelelaka, ku xanisa, ku tlhakisa, no pfinyi vana va hina hi vito ra ndhavuko.

"Hi ta khoma vaxanisi valava va vana lava tlhakisa vana va hina hi vito ra 'vukati bya xinto,'" u vurile.

•••

Afrika-Dzonga ri vuyeriwa eka vuvekisi bya switirhisiwa

Amukelani Chauke

Vaaki va Afrika-Dzonga va tshovela mimbuyelo ya vuvekisi bya le henhla bya mfumo eka switirhisiwa hi swikolo swintshwa, mfikelelo eka mati, ku ngohenisiwa ka gezi na mitirho, exkarhi ka swin'wana.

Leswi swi hlavuteriwa hi Holobye wa Nhluvukiso wa Ikhonomi Ebrahim Patel eka Vhoti ya Mpimanyeto wa yena wa sweswinyana.

Eka ku ringeta ku pfuna ku kondletela ikhonomi no tumbuluxa mitirho, mfumo wu vekelele R1 biliyoni hi siku ro tirha eka switirhisiwa eka tisekithara to hlaya.

Holobye u tsundzukile leswaku vuvekisi lebyi byi le ku endleni ka nkucetelo wa kahle eka vutomi bya vaaki va ntoloveloo va Afrika-Dzonga.

Mali yi pfumile mfumo ku aka 160 wa swikolo swintshwa na kwalomuya ka 100 000 wa tindlu tintshwa; ku ngohenisa gezi eka 245 000 wa tindlu no tisa 1 700 wa timegawatsi ta gezi rintshwa eka gezi ra tiko.

Vuvekisi byi tlhelo byi kotisa mfumo ku andlala tiphayiphi letikulu ta mati to leha 100 wa khilomitara leti yisaka tibiliyoni ta tilitara ta mati hi vhiki eka miganga na mabindzu, ku aka 29 wa titliniki tintshwa na xibedlhele xin'we lexintshwa no hetisa miako yi nharhu eYunivhesiti ya Mpumalanga ni ndhawu yintshwa ya vutshamo bya swichudenya 4 210 wa swichudenya etikweni hinkwaro.

"Hi endlile ku humeleta ko yelana hi ku tumbuluxa mabazi, tithekisi na switimela; mapatu lawa ya nga pfuxetiwa, mintila yintshwa ya

mabazi leya ha ku akiwaka na tindhawu ta Wi-Fi tintshwa eka tindhawu ta le madorobeni na le matikoxikaya. Mitirho yo kongoma leyi nga tumbuluxiwa hi vuvekisi bya switirhisiwa yi hlayeleriwa kwalomuya ka 291 000 naswona mitirho yo ka yi nga kongomangi na yo hloholteriwa, ku vi le na 715 000 wa mitirho leyi seketeriwehi phuropireme ya switirhisiwa swa mfumo," u vurile.

KU TUMBULUXIWA KA MITIRHO

Handle ka nkulo wo nonoka wa ikhonomi, magidi ya mitirho yi tumbuluxiwa eka lembe leri nga hela, ku engeterile Holobye.

"Hambiswritano tlhlayo ta mitirho, ti kurile eka lembe leri nga hundza hi yin'wana mitirho yintshwa ya 700 000, kambe a ku ri na mitshikelelo yintshwa ngopfungopfu eka tisekithara ta migodi na leti yelana leti hi vilelaka hi tona," u vurile.

Holobye Patel u vurile leswaku AB InBev, khamphani ya matikomambe leyi nga hlanganisiwa na khamphani ya swihoko na swinwiwa swo olova ya SAB Miller, yi pfumerile ku tirthisa R1 biliyoni eka xitshembhiso xa leswaku yi ta pfuna ku hluvukisa 800 wa van'wamapuras lava nga ku tumbulukeni.

AB InBev yi tshembhisile R1 biliyoni eka tshatlatala ro endla swilo swi va swa laha kaya eka van'wamapuras iaphakeri va mavonelo.

Kwalomuya ka R610 miliyoni wa leswi yi ta tirthisiwa ku seketela ku hluvukisiwa ka 800 wa van'wamapuras lava nga ku tumbulukeni na 20 wa n'wamapuras lava xavisaka swikumiwa ku tshovelaa n'wahuva wa laha kaya, hopisi,



Vuvekisi bya mfumo eka switirhisiwa swi fikisile eka ntumbuluxo wa mitirho eka tisekithara to hlaya.

mavele na mpuchwana, hi xikongomelo xa kungu ku tumbuluxa kwalomuya ka 2 600 wa mitirho yintshwa eka vurimi, u engeterile.

"Hi pfumelelanile leswaku khamphani yi ta nyika R200 miliyoni eka nhluvukiso wa mabindzu leswi katsaka ku endla switirhisiwa swo fukamela mabindzu, ku ndlandlamuxa swilo swintshwa no seketela ndzetelo wa mabindzu eka mabindzu lamantsongo."

TIPHUROGIREME TA DYONDZO

AB InBev yi nyiketile R190 miliyoni eka tiphuropireme ta dyondzo na ntiyiselo leswi katsaka ku tumbuluxiwa ka swihlovo swin'wana swa gezi swa mgingiriko ya khamphani ya vona, xiboho xo hunguta thyaka no hloholteriwa.

pfuxeta hi vuntshwa no hlayisa mati.

"Hi na swiphemu swa tiko leswi kalaka mati, ku nga ri hi nkarhi wa dyandza kambe swa nkarhi wo leha. Va tinyiketerile eka tiphuropireme ta vantshwa, ku endla leswaku swikolaxipi swi va kona eka swichudenya swa vunjhiniyere na ku nyika 200 wa telenaxipi to engetelela.

"Ndzi ehleketa leswaku leswi nga na nkoka hi leswaku khamphani yi lava ku tirha na mfumo ku tiyisisa leswaku eka malembe yo hlaya, hi cinca ku suka eka ku va vakumi va hopisi hi ntalo ku suka ematikwenimambe ku ya eka varhumeri hi ntalo va hopisi na mpuchwana ku ya ematikwenimambe," u engeterile.